



PLEIV SOGN GIONS
7180 DIJENTIS/MUSTÉR



Pleiv s. Gions Mustér

Rapport da gestiun 2024

Impressum

Editura: Pleiv s. Gions Mustér

Ediziun: 1'100 exemplars

Stampa: La Tuatschina, Sedrun

© 2025 Pleiv s. Gions Mustér

Cuviarta: Rorate en baselgia s. Gions. – foto: Riccarda Flury, 2024

Remarca: Sche buc auter menziunau, vala la fuorma masculina da persunas era per la feminina.

Invitaziun alla radunonza generala dalla Pleiv s. Gions/Mustér

Venderdis, ils 2 da matg 2025 allas 20.15 uras
en halla communal Cons/Mustér

Tractandas:

1. Beinvegni ed elecziun da dus dumbravuschs
2. Protocol dalla radunonza generala dils 19 d'avrel 2024
3. Rapport dil president
4. Rapport da quen dalla pervenda s. Gions Mustér
5. Rapport dils revisurs da quen e scarica alla suprastonza
6. Elecziuns:
 - a) president/presidenta
 - b) in commember da suprastonza
 - c) in commember dalla cumissiun da gestiun
7. Revisiun parziala dalla constituziun: Art. 4, dretg da votar cun 16 onns
8. Collaboraziun denter las Pleivs Sursassiala: Informaziun e decisiun
9. Sanaziuns dad immobilias: Informaziun
10. Preventiv 2025
11. Fixaziun dil pei da taglia
12. Undraziuns
13. Orientaziuns
14. Varia

Silsuenter vegn surviu in puschegn.

Nus envidein Vus cordialmein a nossa radunonza generala.

Per la suprastonza dalla Pleiv s. Gions/Mustér:

*il president:
Aldo Tuor*

*il vicepresident:
Gion Tenner*

Protocol

dalla radunonza generala dalla Pleiv s. Gions Mustér
venderdis, ils 19 d'avrel 2024 allas 20.15 uras en halla Cons

Gliesta da tractandas:

1. *Beinvegni ed elecziun da dus dumbravuschs*
2. *Approbazium dil protocol dalla radunonza generala dils 19 d'avrel 2023*
3. *Rapport dil president dalla pleiv*
4. *Rapports da quen:*
 - a. *Pervenda s. Gions Mustér*
 - b. *Baselgia s. Gions Mustér*
 - c. *Baselgia s. Bistgaun e s. Roc Segnas*
 - d. *Baselgia s. Antoni Cavardiras*
5. *Rapport dils revisurs da quen e scarica alla suprastonza*
6. *Elecziuns:*
 - a) *In commember da suprastonza*
7. *Collaboraziun denter las Pleivs Sursassiala, informaziun*
8. *Sanaziun dad immobilias:*
 - a. *Baselgia Segnas, buliu ellas preits (informaziun)*
 - b. *Casa pervenda Segnas: Renovaziun*
 - c. *Baselgia s. Gions: Sanaziun mirs el chor ed entrada pierti*
9. *Preventiv 2024*
10. *Fixaziun dil pei da taglia*
11. *Undraziuns*
12. *Orientaziuns*
13. *Varia*

1. Beinvegni ed elecziun da dus dumbravuschs

Cun in cuort plaid da beinvegni beneventa il president Aldo Tuor ils 40 presents en halla Cons, cun numnar en special Ignaz Venzin, president dil cussegl da vischnaunca ed igl anteriur president dalla pleiv Linus Maissen.

Diversas personas han schau perstgisar per questa sera. Ei dat neginas midadas tier la gliesta da tractandas.

Sco dumbravuschs vegnan Andri Hendry e Duri Huonder elegi.

2. Approbazium dil protocol dils 19 d'avrel 2023

Il protocol dalla davosa radunonza generala vegn approbaus unanimamein.

3. Rapport dil president dalla pleiv

En siu rapport fa president Aldo Tuor speciala menziun dallas uiaras en l'Ucraina ed en Tiarasontga, sco era tut ils auters conflicts sin nies mund che caschunan per bia milliuns carstgauns pitgiras e temas.

En special seregurdein nus questa sera dils 20 defuncts digl onn vargau.

En siu plaid d'engraziament ensiara il president tuttas e tuts che s'engaschan onn per onn pil beinstar dalla Pleiv s. Gions ed el spera d'astgar sebasar era el futur sin quella collaboraziun e sil sustegn da biaras e biars.

4. Rapports da quen:

a. Pervenda s. Gions

Il quen dalla pervenda siara cun entradas da frs. 439'008.48 ed expensas da frs. 434'419.91 cun in surpli d'entradas da frs. 4'588.57. Per renovaziuns futuras dalla baselgia s. Gions ei vegniu fatg ina nova reserva da frs. 75'000.-. Aschia munta il capital agen dalla pleiv a frs. 664'967.85.

Aldo presenta enstagl dil cassier Romeo Schmed (absents) il quen. Romeo Schmed ha preparau in cuort rapport a scret. En quel engrazia el oravontut agl anteriur ugau-baselgia Willi Lozza per la grondiusa lavur sco ugau-baselgia durant biars onns. Dalla discussiun vegn buca fatg diever.

b. Baselgia s. Gions

Il quen dalla baselgia s. Gions siara cun entradas da frs. 32'261.25 ed expensas da frs. 49'731.06, pia cun in deficit da frs. 17'469.81. Tier las entradas ei da remarcar ina contribuziun da vart dalla pleiv da frs. 8'000.00 sco era la contribuziun ord il fondo dallas messas fundadas da frs. 10'000.-. Il capital agen dalla baselgia s. Gions munta a frs. 38'403.08. Cunzun las entradas d'unfrendas ein seminuidas marcantamein ed era las reservas dil fondo dallas messas fundadas ei quasi exaustas aschia ch'ei sto vegnir encuretq el futur ina nova finanziaziun. Ils deficits san buca pli vegnir cuvretgs ord il fondo da messas fundadas. Tier il preventiv

orientescha la suprastonza davart la nova fuorma da cudischaziun e finanziaziun.

c. Baselgia Segnas

Il quen dalla baselgia s. Bistgaun e s. Roc Segnas siara cun entradas da frs. 10'177.01 ed expensas da frs. 7'183.20, in surpli d'entradas da frs. 2'993.81. La facultad avon maun munta a frs. 221'602.37. Ei dat neginas damondas tiel quen.

d. Baselgia Cavardiras

Il quen dalla baselgia da Cavardiras siara cun entradas da frs. 7'561.67 ed expensas da frs. 10'417.35, in surpli d'expensas da frs. 2'855.68. Muort munconza da visitaders vegn strusch pli fatg messas a Cavardiras. La facultad dalla baselgia s. Antoni a Cavardiras munta a frs. 232'037.98.

Dalla discussiun vegn era buca fatg diever.

5. Rapport dils revisurs da quen e scarica alla suprastonza

Ils revisurs da quen, Pirmin Monn e Claudius Berther, han controllau ils differents quens dalla pleiv sco era tut ils fondos da baselgias e capluttas. Els attestan che tuts mussaments seigien avon maun e las contabilitads constettien. Sin proposta dils revisurs decida la radunonza generala unanimamein d'approbar ils quens 2023 dallas differentas baselgias e capluttas e da lur fondos e da dar scarica alla suprastonza da pleiv.

6. Elecziuns

a) In commemor da suprastonza

En reelecziun per ina nova perioda d'uffeci stat la commembra da suprastonza Alexa Schuoler. Ella ademplescha era la funcziun

dad ugedessa dalla baselgia s. Antoni a Cavardiras.

Nus essan zun engrazievels e leds ch'ella ei prompta da star vinavon a disposiziun ed Alexa Schuoler vegn reelegida unanimamein cun in ferm applaus pils proxims 3 onns. Il president gratulescha ed engrazia ad ella per il grond engaschi e la buna collaboraziun.

7. Collaboraziun denter las pleivs Sursassiala

Igl ei actualmein buca sempel da dar informaziuns pli concretas demai ch'ei occuoran adina puspei discussiuns cun differentas persunas e differents gremis, quei per tschercar ed anflar ina collaboraziun denter las pleivs en Sursassiala. Quei ei succediu ord la constataziun da stuer anflar ina sligiazion era sin giavisch digl uestgiu e cun agid dalla responsabla egl uestgiu Flurina Cavegn. Finamira ei dad organisar la pastoraziun en Sursassiala cun mo in plevon, persuerter cun in'assistenza pastorala. Nus vein cun sur Mathew in plevon che sa ademplir ils basegns concernent far eucharistia en Sursassiala. Vinavon segidan pil mument aunc ils spirituals gidonters sur Alexi Manetsch e sur Giusep Venzin. A Mustér vein nus era ina gronda purschida en claustra. La pastoraziun per l'entira Sursassiala cun mo in plevon en uffeci ei denton buca pusseivla.

En ina emprema fasa ei vegniu elaborau in plan da messas communabel per las treis pleivs. Ellas treis pleivs organisein nus survetsch divins culs spirituals a disposiziun ed organisein survetschs divins dil plaid. Quei vegn a restar aschia era 2024.

En ina secunda fasa duess la collaboraziun denter ils cussegls pastorals dallas treis pleivs vegnir inicialisada cun la finamira da

realisar en ina tiarza fasa las premissas per in'assistenza pastorala.

Actualmein empruein nus da porscher ils survetschs divins en tuttas treis pleivs. Lein sperar che sur Giusep e sur Alexi sappien aunc segidar ditg cun nus.

Negins dils presents giavischan dapli informaziuns.

8. Sanaziun dad immobilias:

Gion Tenner informescha sco suonda:

a) *Baselgia Segnas: Buliu ellas preits*

La baselgia da Segnas ei vegnida taccada d'in ferm buliu che sto vegnir allontanaus. Dapi 1952, cun l'installaziun dil scaldament, semuossan adina puspei gronds problems da humiditad che fan vegnir ners ils mirs-baselgia.

b) *Casa pervenda Segnas: Renovaziun*

Sur Pius ei serendius la fin digl onn 2023 el Center da sanadad Puntreis. La casa pervenda ei vegnida sanada 1979/80. La pleiv less nezegiar el futur la casa sco immobilia da schar vi a tscheins ad indigens. Da tuts architects en vischnaunca han sulet dus fatg ina proposta concreta. La part dil clavau ha la pleiv saviu aquistar favorei-vlamein. Igl ei previu da schar vi duas habitaziuns per in prezi schi favoreivel sco pusseivel.

La casa basegna ina renovaziun completa. Quei che sto aunc vegnir sligiau ei il problem dils parcadis. Gion presenta cuort las propostas dils architects.

Sin damonda d'in parochian daco ch'ei sedetti ina differenza da frs. 250'000.– denter las duas offertas declara Gion che tier la varianta semplia vegni mo renovau la habitaziun che seigi avon maun ussa, tier la va-

rianta cara vegni aunc integrau il clavau ella habitaziun.

Tenor art. 12 dalla nova constituziun ha la suprastanza la cumpetenzza per expensas entochen 50'000.– francs. Tut quei che survarga quella summa stat en cumpetenzza dalla radunonza generala. Ord quei motiv damonda la suprastanza ils presents per in credit da planisaziun da max. frs. 50'000.–. Aschinavon che la radunonza sa s'accordar culs plans dalla suprastanza, vegn elaborau in project concret per la sanaziun dalla casa pervenda, in project che duei preveder ina sanaziun interna cun duas habitaziuns (credit da rama frs. 900'000.–). Impurtont: Il project vegn presentaus cun in project concret ad ina radunonza generala extraordinaria per decisiun definitiva.

Il credit da planisaziun vegn sustenius da tuts presents unanimamein.

c) Baselgia s. Gions: Sanaziun mirs el chor ed entrada pierti

Ils davos onns ein sefatgs veseivels pli e pli bia donns en ed entuorn baselgia. Il tscha bergal e la scala encunter la casa pervenda ston vegnir renovai, resp. remplazzai.

En pierti-baselgia ei vegniu installau ina nova illuminaziun.

Damonda d'in parochian: Ha la baselgia in'entrada per impedi en sutga da rodas? Pil mument san ins entrar mo dallas portas pintgas en. Sch'ei semuossa denton il basegns stuein nus far ina remadura.

Ils mirs el chor-baselgia han pitii fetg dalla humiditad, cunzun dallas varts e davos igl altar grond. L'interpresa Flepp SA da Clavaniev ha priu enta maun la sanaziun urgenta.

9. Preventiv

Il president Aldo Tuor fa attents che la suprastanza presenta mo pli in preventiv.

Sco gia menziunau gl'onn vargau ha la suprastanza stuiu tschercar ina sligiazion pertuccont la finanziaziun dil menaschi dalla baselgia parochiala s. Gions.

La Baselgia s. Gions ei buca en proprietad dalla pleiv, mobein dalla Fundaziun baselgia s. Gions. Entochen ussa vegneva menau in quen separau per la baselgia s. Gions. Ils davos decennis vegneva quei menaschi finanziaus per gronda part ord il fondo da messas fundadas e cun pulitas contribuziuns dalla pleiv. Il fondo da messas fundadas ei sesminuius cuntinuadamein ils davos onns. Il motiv ei ch'ei vegn giavischau pli e pli paucas novas messas fundadas. Sche nus midein buca sistem ei il fondo en dus tochen treis onns vits, vul dir ch'ei stat quasi nuot pli a disposiziun per la finanziaziun dalla baselgia.

Il capital actual per messas fundadas munta a frs. 156'000.– (fin 2023). Il capital effectiv ei frs. 171'000.–, pia havein nus ina mudesta reserva da frs. 15'000.–. Era a Cavardiras ei la reserva tier frs. 24'000.–.

La reserva dalla baselgia da Segnas munta a frs. 18'000.–.

Ord quei motiv ei la suprastanza sedecidida da midar il sistem da finanziaziun dalla baselgia s. Gions. La suprastanza ha informau e declarau la midada als revisurs da quen. Els vesan era la necessitad d'ina midada e san s'accordar.

Il quen dalla baselgia s. Gions vegn integrais el quen dalla pleiv. Ils quens dallas baselgias da Segnas e da Cavardiras ein gia ussa per part integrai el quen dalla pleiv. Ussa vegnan quels quens integrai cumpleinamein. La fundaziun vegn buca tangada da quella midada. Il fondo-baselgia ed era il fondo da messas fundadas restan vinavon tier las fundaziuns.

Ina part dallas entradas ord las unfrendas e dallas candeilas restan alla baselgia s. Gions. Quei duess possibilitar silmeins in lev augment dil fondo dalla baselgia. Reparaturas e sanaziuns pli grondas ston vegnir finanziadas ord il fondo ni cun ina finanziaziun speciala.

La pleiv perencunter surpren il menaschi dalla baselgia inclus pintgas reparaturas da manteniment.

Per renovaziuns pli grondas stuein nus ver ina finanziaziun speciala. Tenor la nova costituziun ein era las caplanias sligidas. Ils quens dallas baselgias Segnas e Cavardiras vegnan integrai el quen dalla pleiv. Ils fondos dallas singulas baselgias restan. Las reparaturas grondas e sanaziuns ston sco tochen dacheu succeder entras las fundaziuns, ferton ch'il menaschi vegn integraus el quen dalla pleiv.

Sin fundament dallas explicaziuns presenta Aldo Tuor il niev preventiv, in sulet preventiv per l'entira pleiv:

Il preventiv 2024 dalla pleiv preveda tier expensas da frs. 403'470.– ed entradas da frs. 405'030.– in surpli d'entradas da frs. 1'560.– .

El quen effectiv sa ei lu forsa dar pintgas differenzas.

Negin dils presents giavischa il plaid aschia ch'il president Aldo supplichescha d'approbar il niev preventiv. Tuts presents ein d'accord culla midada dil preventiv 2024. Il president engrazia fetg per la confidenza enviers la suprastanza.

10. Fixaziun dil pei da taglia

Sin fundament da quels preventivs propona la suprastanza da mantener il pei da taglia per 2025 sco tochen dacheu sin 12% dalla taglia cantunala semplia.

La radunonza generala fixescha il pei da taglia per 2025 sin 12%.

11. Undraziuns

Aluis ed Olinda Hosang

Cun la fin digl onn da scola 22/23 ein la catecheta Olinda ed il catechet Aluis i en pensiun. Ils davos 23 onns han els viviu per l'instrucziun religiosa en nosssa scola ina rolla preziosa ed impurtonta el svilup spirtal da nundumbreivels giuvenils. Els han buca mo definau l'instrucziun religiosa en nosssa scola, mobein era preparau e menau cun grond entusiassem messas da scola. Quellas messas han buca mo ina muntada religiosa, mobein han era gidau a crear ina cuminonza cun ina tenuta cristiana en nosssa scola.

Els han preparau biaras giuvnas e biars giuvens pils sacraments dall'emprema sontga communion e dalla s. creisma, dus eveniments impurtonts sin lur viadi religios. E vus tuts saveis s'imaginar ch'igl ei ozildi buca sempel da tschaffar ed inspirar giuvnas e giuvens en quei mund plein sfidas e distracziuns.

Ins savess aunc menziunar ina massa auters merets. La scola ha priu cumiau dad Olinda ed Aluis ella messa finala digl onn da scola. En num dalla Pleiv s. Gions e da tuts presents astga il president exprimer nies grond e sincer engraziament per tut lur engaschi.

Irena Huonder-Schönenberger

Irena Huonder ei stada ina fideivla commembra dil cussegl pastoral ed ha apparteniu a quei gremi in tschuppel onns. Cun grond entusiassem e cun bia plascher eis ella s'engaschada en quei gremi impurtont. Tier in tschuat eveniments ed arranschaments dil cussegl pastoral ha ella

prestau bia lavur. Sco cassiera ha ella era tgirau la cassa dil cussegl pastoral.

Per tut quei engaschi e tut quei agid admetta il president en num dalla pleiv e da tuts presents in grond e resentiu engraziament.

12. Orientaziuns

- Ils 22 da settember 2024 ha liug ina votaziun dil pievel dalla Baselgia cantunala dil Grischun. En votaziun stat la nova constituziun per la baselgia catolica cantunala. La votaziun succeda a scret analog alla vischnaunca. La scaffa da brevs vegn ad esser en casa pervenda. Ina urna ei deponida dallas 9.00 – 9.30 avon baselgia.
- Instrucziun religiusa 2024/25: Regina Giger ha abdicau, mo legrevlameinn ei Ursina Murer sedeclarada promta da surprender las empremas duas classas primaras.
- Il plevon reformau surpren puspei 1./2. classa dil scalem superiur.
- La porta dalla baselgia s. Gada sesarva buca adina levamein. Ins sto simplamein stuschar in tec pli ferm. Sch'igl esch lai veramein buca arver deigien ins far aschi bien e s'annunziar tier Gion Tenner ni il secretariat.

13. Varia

Giusep Caduff damonda schebein la pleiv hagi retschert sia abdicaziun dil cussegl pastoral.

Il president sa affimar quei. Cunquei che Giusep Caduff ha pér abdicau avon entginas jamnas vegn el honoraus in auter onn, pia igl onn 2025.

Mustér, ils 22 d'avrel 2024

Pil protocol: Jris Lombris



*President Aldo, uestg Geevarghese
Mar Makarios e sur Mathew*



Las treis gruppas dils Sogns Retgs avon casa da scola (foto Paul Duff)

Rapport dil president

Preziadas parochianas,
preziai parochians

Per la novavla e davosa gada astgel jeu presentar a vus il rapport davart il curriu e passau en nossa pleiv duront igl onn vargau. Duront treis periodas hai jeu astgau collaborar ella suprazonza dalla pleiv. In temps zun interessant cun dabia midadas ed in pulit engaschi. Sco usitau suonadan all'entschatta in per ponderaziuns generalas.

Gl'onn vargau ei staus influenzaus da grondas midadas geopoliticas, da vegls e novs conflicts denter pievels ni naziuns, sco era da gronds moviments da migraziun. Midadas globalas da pussonza, malsegirtads economicas e tensiuns regiunalas caschunan gronda malsegirtad. La migraziun resta vinavon in tema central, aschi bein en consequenza dad uiaras, persecuziun politica ni religiosa, sco era per motivs da miseria finanziaria e dalla midada dil clima. Il moviment da milliuns da carstgauns suls cunfins ora munta ina gronda sfida per biaras naziuns egl entir mund. Las consequenzas humanas dallas uiaras ein sgarscheivlas. Dunnas ed affons ein pertuccai specialmein damai ch'els ein il pli savens las victimas principalas da violenza e paupradad. Deplorablamein stuein nus constatar che la carstgaunadad ei aunc lunsch naven d'ina coesistenza pascheivla. Aschiditg ch'ils interess geopolitics predomineschan il beinstar dalla populaziun civila, vegn ei ad esser grev d'anflar la pasch. Ei dat denton segns che laian sperar e che dattan curascha.

La pastoraziun

Nus tuts fagein persenn ch'igl interess per cardientscha e Baselgia svanescha pli e pli fetg. El temps modern dat ei tonta distracziun, aschia che la collaboraziun cun la Baselgia ha mo pli prioritad marginala. La societad moderna basegna novas sfidas, pertuccont la pastoraziun e la lavur cumina. La digitalisaziun, valetas semidadas e la sminuaziun da colligiazion partenent la Baselgia, pretendan novas ideas, ideas creativas e flexiblas. Quellas portan denton era novas schanzas per tschercar novas vias, seigi quei entras pastoraziun-online, collaboraziun regiunala ni interculturala, per aschia contonscher tuttas generaziuns.

«Vus essas il sal dalla tiara, vus essas la glisch dil mund»! Aschia in plaid ord igl evangeli. La pleiv, nossa cuminonza cristiana sa mo exister era egl avegnir, sche nus essan activs, sche nus prendein art e part e sche nus vivin la cuminonza. Lein sespruar dad esser il sal dalla tiara e la glisch dil mund.

Dapi tschun onns ei sur Mathew plevon a s. Gions. Cun plascher astgein nus informar che nus vein saviu prolungir il contract cun igl uestgiu da Puttur. Uestg Josef Maria ha medemamein prolungiu la missio a sur Mathew per tschun ulteriurs onns ed el medem mument numnau sur Mathew sco administratur pastoral dallas pleivs Medel/Lucmagn e Tujetsch.

Cun grond plascher vein nus era astgau beneventar tier nus uestg Geevarghese Mar Makarios dall'India, quei a caschun d'ina viseta ch'igl uestg ha fatg als spirituals oriunds dall'India e che pastoreschan en nossa regiun.



Ille premcommunicants 2024 (foto: Paul Duff)



Suprastonza dalla pleiv

La collaboraziun enteifer la suprastonza funcziuna oreifer. Grazia allas purschidas digitalas savein nus liquidar las numerusas fatschentas a moda speditiva e stuein buca impunder bia temps per sedutas. Gl'onn vargau ei la suprastonza seradunada mo treis gadas. La repartiziun dils departaments sin fundament dalla nova costituziun ei secumprovada. Als commembers da suprastonza admittel in grond e resentiu engraziament per quella buna collaboraziun e per l'oreifra lavur che vegn prestada.

Suenter l'abdicaziun dalla secretaria dalla pleiv da Tujetsch ha nies secretariat surpriu ina gronda part da quella incarica. In grond engraziament era a nossa secretaria per la fetg buna lavur e per la flexibilitad d'integrar il secretariat dalla pleiv da Tujetsch.

Dapi decennis ha ei puspei dau ina votaziun cantunala dil pievel dalla Baseligia catolica dil Grischun. Cun ina gronda maioritad ha il pievel acceptau ina nova costituziun che remplazza la veglia digl onn 1957. Nossa pleiv ha gia adattau la costituziun allas novas pretensiuns.

Statistica:

Egl onn vargau vein nus registrau 14 (14) battens. 14 (13) affons han astgau retscheiver l'emprema sontga communiun e 12 (15) giuvenils il sacrament dalla sontga creisma. En nossa pleiv han giu liug 4 (2) nozzas.

Cun la fin digl onn 2024 vein nus astgau dumbrar 1626 (1633) parochianas e parochians en nossa pleiv.

Collaboraziun denter las pleivs

El temps actual, nua che societad e Baseligia semidan cuntinudamein, para a mi la necessitad d'ina assistenza

pastorala pli e pli urgenta. Il plevon classic ch'era responsabels pils survetschs divins, sco era per la pastoraziun e l'instrucziun religiosa en scola, ei strusch pli d'anflar. Mo in survetsch divin tonscha pil pli buca per ademplir ils basegns dils commembers da nossa Baseligia. In'assistenza pastorala contribuescha e gida a rinforzar e sustener la pastoraziun. Ella sa surprender impurtontas incaricas pastorales pigl accumpignament da nos commembers. Cun s'occupar intensivamein cun nossas damondas sa in'assistenza pastorala aschi bein risguardar, elaborar ed era contonscher finamiras concretas. In agid pastoral sa sper la lavur pastorala era promover purschidas da perfecziunament, d'accumpignament en situaziuns da crisa, organisaziun da workshops, luvratoris, integraziun da giuvenils, in summa crear purschidas per differentas situaziuns ella veta.

Quellas incaricas sa in plevon strusch pli surprender, ton pli che nus vein en nossas treis pleivs da Sursassiala mo pli in plevon a disposiziun. Dapi gleiti treis onns succedan discussiuns pertuccont ina collaboraziun enteifer las treis pleivs. Ils interess, ils basegns, denton era las pusseivladads ein differentas. Ina collaboraziun pretenda midadas dallas structuradas ed oravontut la voluntad e la prontad da s'engaschar aschi bein cun finanzas e cun forzas humanas. Actualmein tscherca nossa pleiv l'integraziun d'ina assistenza pastorala, quei silmeins en piazza parziala e cun la speranza da baul ni tard era saver integrar las duas ulteriuras pleivs. Bugen sperein nus da saver informar pli detagliadamein a caschun dalla radunanza generala.



Avat Vigeli, la catecheta Corina ed ils 11 niev cresmai (foto: Paul Duff)



Messa cun Sontgaclau (foto: Riccarda Flury)

Nos defuncts

Igl ei il cuors dalla veta che legria e tristezia secruschan. Aschia vein nus stuiu surdar 23 commemoras e commembers da nossa pleiv al santeri a s. Gions. Igl ei mintgamai ina dira frida per ils pertuccai da stuer piarder in carstgaun ch'ins careza. Malgrad la gronda tristezia per las famiglias en malencurada astgein nus esser cuntents che tontas parochianas e tons parochians assistan al survetsch divin funeral ed espriman aschia lur commiseraziun culs parents. Nus sperein ed essan perschuadi ch'il Segner ei misericordeivels cun nos defuncts. Els ruaussien en pasch!

Sigisbert Manetsch – Camadini (11-08-1941 – 06-02-2024)

Egl uclaun da Mumpé Tujetsch ha Sigisbert Manetsch-Camadini, ella funcziun da cluster, tgirau duront biars onns la caplutta da Sontgaclau. El ha fatg quei cun grond engaschi e cun bia perseveranza. Aschia ei la caplutta adina sepresentada en splendur a tuts visitaders. Quei engaschi mereta nies grond engraziament. Detti Deus ad el la meritada pagaglia ed il ruaus perpeten.

Amanda Huonder (02-05-1929 – 21-05-2024)

La biala caplutta si d'Acletta vegn visitada di per di dad indigens e jasters. Fetg da cor era la caplutta oravontut a dunna Amanda Huonder. Duront tschun decennis eis ella s'engaschada sco calustra, ha mirau dalla caplutta e tgirau ella cun gronda premura. Ella ha procurau che la caplutta sepresenti adina a moda perfetga a visitaders e visitadras. Per quei engaschi mereta ella nies respect ed engraziament. Nus essan perschuadi che Niessegner vegn a tener

quen da tut las bunas ovras fatgas cheu sin tiara. Ella ruaussi en pasch.

Elisabeth Schuoler – Deragisch (03-10-1925 – 20-09-2024)

Ella aulta vegliadetgna da 99 onns ha l'anteriura calustra da s. Gions terminau sia veta terrestre. Duront varga 30 onns ha ella ademplier las multifaras incaricas ed obligaziuns ch'ei adossadas ad ina calustra dalla baselgia parochiala s. Gions. Ella ha habitau biars onns fetg damaneivel dalla baselgia ella casa pervenda veglia ed ei aschia stada quasi permanentamein a disposiziun al plevon ed alla pleiv. Per quei grond ed impurtont engaschi admettein nus a dunna Elisabeth Schuoler-Deragisch nies grond e resentiu engraziament. Detti Deus ad ella la bein meritada pagaglia ed il ruaus perpeten.

Instrucziun religiosa

Sco mintg'onn less jeu danovamein menziunar l'impurtonza dall'instrucziun religiosa da nos affons. Egl onn da scola 2024/25 ein els vegni instrui da suandontas personas:

Ursina Murer	1. – 2. classa primara
Corina Defuns	3. – 6. classa primara
Ser Christoph Zingg	1./2. classa superiura
Sur Mathew Kurian	3. classa superiura

La collaboraziun cun la pleiv evangelica dalla Cadi ei secumprovada. Ser Christoph instruescha las duas empremas classas superiuras, ferton che sur Mathew ha surpriu la davosa classa superiura. Bugen sperein nus che quella buna collaboraziun cuntinueschi era ils proxims onns.

El decuors dalla primavera 2025 termine-scha dunna Ursina Murer la scolaziun da catecheta. Gia igl onn da scola 2024/25 ha

ella surpriu las duas classas pintgas per instruir religiun. Dunna Corina Defuns instruescha la tiarza entochen la sisavla classa. In grond pensum per ella ei mintgamai la preparaziun dils affons per retscheiver l'emprema sontga communiun e per la gronda fiasta dalla sontga creisma. In grond engraziament a tuttas personas che s'engaschan per l'instrucziun religiusa en nosssa scola dil vitg.

Fiastas ecclesiasticas

Era uonn vein nus puspei giu la caschun da s'entupar a caschun da nossas fiastas ecclesiasticas che han ina gronda muntada per nosssa pleiv. Ils survetschs divins a caschun dallas quaterfiastas, da Dumengia alva, da Sontgilcrest ensemen cun la claustra, da s. Gion Battesta e las perdanonzas dallas diversas capluttas e baselgias ein caschuns d'exprimer la communitad cristiana. In grond engraziament s'au da als chors baselgia s. Gions e Segnas, alla societad da musica ed als tamburs, all'uniun da giuventetgna ed a tuttas ulteriuras uniuns per lur impurtonta e biala participaziun. Lein sperar ch'ei gartegi a nus da mantener quellas bialas fiastas grondas ch'ein segn d'ina viva e biala communitad en vischnaunca e pleiv.

En special less jeu ina gada menziunar gidontras e gidonters dil cussegl pastoral e dallas differentas gruppaziuns che s'engaschan en pleiv sco suonda:

- Nossadunna da candelas
- unfrenda da cureisma
- priedis da cureisma
- via dalla crusch
- aperos
- Rogaziun federala
- devoziun ed uncziun per senioras e seniors

- purtar la sontga communiun a casa
- messa da s. Hubert
- Salid da Nossadunna
- adoraziuns tgeuas
- survetsch divin da Sontgaclau
- gruppas da lecturas a s. Gions e Segnas
- la gruppa per retscheiver la bara
- la gruppa rusari da morts
- la gruppa ordinaturs da sepultura
- la gruppa Salid dil Segner

Leutier vegnan differentas lavurs sco p. ex. decorar ed embellir la baselgia culs pigneuls da Nadal, organisar las palmas per la dumengia da palmas, tgirar il deposit da material ed igl archiv. Engraziavel fetg per tut quella lavur e quei engaschi.

Primizia secundara Pader Murezi

Duront la renovaziun dalla baselgia claustrala han las grondas fiastas dalla claustra giu liug en baselgia a s. Gions. Claustra e pleiv ein lu securvegna da s'entupar ina gada ad onn ad in survetsch divin communabel en baselgia s. Gions. Nus selegrein ed essan perschua di dils avantatgs d'ina buna collaboraziun denter claustra e pleiv. Aschia essan nus puspei s'entupai dumengia, ils 6 d'october al survetsch divin communabel a sogn Gions. Nus vein astgau beneventar Pader Murezi, il giuven pader dalla claustra che ha suenter sia primizia ils 12 d'avrel, legiu sia emprema sontga messa a s. Gions. Suenter messa ha la pleiv envidau la cuminonza claustrala ad in mudest gentar en Casa Puntreis.

Di da suppa

Dumengia, ils 10 da mars 2024 ha il Cussegl pastoral dalla Pleiv s. Gions en collaboraziun cun la Pleiv evangelica dalla Cadi organisau il di tradiziunal da suppa. Adina duront la cureisma s'entaupan las pleivs en halla Cons

ad in gentar communabel. Ils dus davos onns ei il recav dalla collecta vegnius surdaus ad instituziuns egl exterior. Ton pli ha ei fatg grond plascher da saver surdar uonn la biala summa da quasi 2'500 francs alla Kita Lumpazi a Mustér. In grond engraziament al Cussegl pastoral per l'organisaziun da quei di.

Ministrantas e ministrants

Igl ei usit che scolaras e scolaras dalla tiarza classa sorprendan mintgamai il survetsch da ministrar quei onn ch'els astgan retscheiver l'emprema sontga communiun. Igl ei propi legreivel che biaras e biars stattan era suenter quei onn a disposiziun per survir messa. Per lur bi ed impurtont survetsch a caschun dallas sontgas messas engraziein nus da cor ad els.

Actualmein astgein nus dumbrar 25 buobas e buobs che surveschan a s. Gions ed 11 buobas e buobs a Segnas. A s. Gions instrueschan sur Mathew ensemen cun la catecheta ils ministrants, a Segnas ein Rosmarie Duff e Sonja Durschei responsablas pils ministrants.

L'entira raspada ha communablamein astgau guder ina prima tscheina ella Pizzeria.

Emprema sontga communiun

Dumengia alva, ils 7 d'avrel 2024 han 14 affons dalla tiarza classa astgau retscheiver l'emprema sontga communiun. Durent in onn ha la catecheta Corina preparau els sin lur grond di da fiasta. Cul tema: Nus partgin paun e fagein cuminonza, ein els sepresentai ad ina gronda raspada en baselgia. Suenter il survetsch divin ha il cussegl pastoral offeriu a tuts presents in apéro avon casa pervenda sil plaz Sut Gliendas.

Creisma 2024

Gliendisdis-Tschuncheismas ei stau in grond di per ils 11 giuvenils dalla 6avla classa. Communablamein ein els entrai en processiu en baselgia per retscheiver il sacrament dalla sontga creisma. Durent in onn ha la catecheta Corina preparau els per quella gronda fiasta. Da nies avat Vigeli sco confirmatur ein els vegni unschi e sigilai cul dun da Diu e dil sogn Spért. Els vegnan cheutras rinforzai per lur veta en nossa societad sco era per lur via el ravugl dalla baselgia cristiana. Ensemen culs confirmands, cun lur famiglias e tuts presents en baselgia, ha avat Vigeli celebrau il survetsch divin preparaus dils confirmands tenor il motto: Sco ina roda da vent. Suenter il survetsch divin han tuts presents astgau guder in apéro a Sut Gliendas.

Engraziament

Alla fin da miu rapport less jeu engraziar da cor e quei fetsch jeu bugen e cun grond plascher. In cauld e sincer engraziament meretan biaras e biars denter Vus, preziasas parochianas e parochians. En miu emprend rapport vevel jeu menziunau d'haver fatg persenn cun tgei grond engaschi ch'ei seigi vegniu luvrau enteifer nossa pleiv. Nov onns pli tard astgel jeu sincerar che quei engaschi ei aunc adina avon maun e che biaras e biars segidan cun nus. In zun grond Dieus paghi a tut quellas e tut quels che han fatg dil bien a nossa cuminonza ed ein segidai en ina moda ni l'autra. Quei engaschi ei adina staus impurtonts e vegn pli e pli impurtonts per nossa pleiv. El demuossa che nus lein esser ina cuminonza cristiana.

Special engraziament exprimev jeu a nies plevon sur Mathew Kurian, sco era als plevons pensiunai sur Alexi Manetsch e sur Giusep Venzin. In engraziel fetg era als



Affons dil Salid dil Segner en baselgia a Segnas

paders dalla venerabla claustra pigl agid e la buna collaboraziun. In grond engraziament meretan catechetas e catechets sco era il plevon reformau ser Christoph Zingg per l'instrucziun religiosa da nos affons.

Plinavon engraziel a tuts gidonters e tuttas gidontras dil cussegl pastoral, sco era allas lecturas ed als ordinatur da sepultura, a ministrantas e ministrants, allas menadras ed als menaders dil rusari da morts. Miu engraziament e mia renconuschientscha van era allas calustras, allas organistas ed als organists, als chors baselgia, ad ugadessas ed ugaus-baselgia da nossas capluttas ed a tuttas e tuts che han contribuui al beinstar da nossa pleiv. In engraziel fetg va era als commembers ed alla commembra da suprastonza sco era alla secretaria per lur

agid e lur grond engaschi. Jeu sperel che la suprastonza astgi era el futur sebasar sin quella collaboraziun e sil sustegn da biaras e biars. A nus tuts giavischel tut bien, sanadad, cuntentientscha e la benedicziun dil Tutpussent.

Mustér, fevrer 2025
Per la suprastonza dalla pleiv
Aldo Tuor, president

Rapport dalla gruppа «Salid dil Segner»

«In scazi per il cor», senumna il tema digl onn che ha accumpignau nus tras las devoziuns naven dil settember. Sco emprem ein ils affons s'occupai cun la semeglia da Jesus che raquenta dad in scazi zuppaus egl èr. Igl um che ha anflau quei scazi ha vendiu siu entir fatg e cumprau igl èr per posseder quei scazi. Ils pli custeivels scazis rimnein nus denton el cor. Quei aspect han ils affons malegiu sin la carta per lur cudischet.

Ultra da quei ein ils affons sepreparai cun grond anim per la messa da famiglia. La sonda, ils 28 da settember eis ei stau aschi lunsch. Nossa menadra Ursina Murer ha tgamunau nus grondiusamein atras la messa da famiglia ella baselgia da Segnas. L'impressiunonta decoraziun tier il tema «Engraziament per la raccolta» ei vegnida cumpletada dils affons cun ina reha paletta da fretgs e verduras. Suenter la messa ha ei dau en casa da scola in bien puschegn. Nus engraziein da cor a tuts e tuttas ch'ei segidai cun nus sin ina moda ni l'otra ed a tuts parochians che han purtau ina part da lur raccolta per schar benedir.

Cun la historia dalla sontga Lisabet che ha partiu si'entira facultad cun ils paupers ein ils affons sefatschentai ella devoziun dil november. Il december ei la historia dil pigniel «Truscal» stada el center dalla devoziun. Cun plascher han ils affons deco-

rau il pigniel ell'aula e zambergiau pegnets per lur pigniel da Nadal a casa. Il schaner han ils affons empriu d'enconuscher ina historia da Jesus sco affon. El aveva 12 onns cu el ha fatg cun ses geniturs il pelegrinadi a Jerusalem. Enamiez ils docturs dalla lescha ha Jesus explicau las scartiras aschia che tut sesmarvigliava. Jesus enconuscheva sco affon gia las historias dalla biblia – nos affons han raquintau las historias biblicas ch'els enconuschevan gia ed ordlunder havein nus creau in placat.

Questa primavera banduna Seraina Bigliel la gruppа. Nus engraziein da cor ad ella per igl engaschi, il bien agid duront las devoziuns e sia amicabladad. In Dieus paghi admettein nus era a nossas gidontras e nos gidonters davos las culissas.

Sin nossa pagina d'internet san ins s'informar davart las devoziuns e contemplar fotografias dallas sentupadas: www.saliddilsegner.ch

Nus engraziein alla suprastonza dalla Pleiv, alla secretaria ed al plevon per il sustegn. Bien engraziament era a tuts geniturs per la confidanza enviars nus.

*Per la gruppа dil Salid dil Segner
Corina Defuns*



Mirs el chor-baselgia allontanai dalla cuvrida. Las parts stgiras ein parts humidas.



Entrada dalla baselgia s. Gions encunter sid avon la renovaziun.

Rapport davart ils beins immobiliars e l'infrastructura

Entras la nova organisaziun en suprastanza vein nus creau la partiziunt «Beins immobiliars ed infrastructura». Quei lubescha da seconcentrar sin lavurs che serepetan tier mintga object e simplifichescha era la lavur.

Baselgia s. Gions

Sco Nus veis forsa fatg persenn vein nus fatg 2024 pliras renovaziuns vid nossa baselgia parochiala. El chor vein nus schau eliminar la ligiadira veglia donnegiada dad aua e humiditad e schau refar quella entras la firma da construcziun Flepp SA Clavaniev. La humiditad deriva per gronda part dil santeri, il motiv exact essan nus vid sclarir ensemen culla vischnaunca. Davos igl altar grond vein nus perquei buca pli ligiau giu ils mirs, aschia che quels san fladar. Semeigliantas reparaturas ein era vegnidadas fatgas ella caplutta laterala da vart dretga.

Ina controlla scientifica entras l'Universitad da Berna ha mussau ch'igl altar gotic da Strigel ella caplutta dil pierti pitescha medemamein da humiditad. Nus vein, suenter ver consultau la tgira da monuments, surdau las lavurs da restauraziun.

Signur Andreas Egger dalla tgira da monuments ha visitau nossa baselgia per mirar cun nus ensemen pliras caussas. Nus vein vuliu saver dad el schebein ei fussi pusseivel da remplazzar il tetg-baselgia cun in indrez solar. Actualmeiv vegness la tgira da monuments denton buca a lubir quei. Tuttina ha el fatg attents da revegnir culla damonda en entgins onns, tgunsch vegni la politica d'energia era a sluccar las leschas e pussibilitar tals indrezs sin tetgs-baselgia. El medem mument vein nus inspectau da rudien la baselgia ed igl arviul. Il cantun seniester viers la casa pervenda ha dapi la

construcziun dalla casa da tgira Puntreis in scarp. Quel vein nus gia giu constatau avon entgins onns. Legreivlamein ein las sfessas buca vegnidadas pli grondas. Ils mirs ed igl intern dalla baselgia ein en bien stan e basegnan cul temps lu puspei ina schubergiada.

Ina revisun pli gronda ei necessaria per l'orgla. Quella ei ualti tschuffa ed igl ei grevdad intonar las flautas per buca donnegiar quellas. La davosa revisiun ei stada la fin dils onns novonta.

Il scaldament da medemamein gleiti 50 onns sto era vegnir optimaus. Cheu sclarin nus actualmeiv tgei pusseivladads che vegnan en damonda.

Entgins tetgals muossan fastitgs probabels da mazeraziun. Ei savess esser ch'ins ha tractau il lenn suenter la renovaziun da 1976 cun Arbezol, ina chemicalia encunter mulauns. Quella sligia ussa il lignin el lenn aschia che quel piarda sia funcziun purtadra. In giudicament definitiv succeda il mument ch'il restauratur va vid igl altar da Strigel.

Sal e neiv vevan donnegiau bravamein ils tschabergals dallas entradas principalas. Cunzun davart encunter sid eran schizun ils craps magliai dil sal ed il tschabergal ruts atras diltuttatfatg. Uss vein nus schau construir ina scala nova da granit ed el medem mument adattau l'altezia dils scallems allas normas, eliminond il malpass sisum la scala.

Baselgia Segnas

Gia avon gleiti dus onns ha ina uatga mussau ch'igl intern dalla baselgia ei taccaus d'in buliu. Era altars e mobilier ein per gronda part pertuccai. Ensemen cun plirs



Parts tschuffergnadas entras fulin e da vart seniastra il buliu.



Casa pervenda Segnas cun clavau – ussa posseda la Pleiv igl entir clavau.

specialists vein nus fatg in uatga en baselgia e constatau il suandont: La ventilaziun dil baghetg ei fetg munglusa. Il scladament ei buca buns perquei che la baselgia vegn scaldada irregularmeins e cheutras sedattan moviments d'aria. Ensemen cullas pégnas aviartas ed il fulin dallas candeilas ein ils mirs vegni stgirs. Avon ch'ins sanescha ils dus problems da buliu e fulin, sto il problem fundamental dalla ventilaziun vegnir sli-giaus, pertgei autruisa sanein nus puspei en 20 onns igl entir intern. Actualmeins ha il restauratur fatg pliras emprovas vid ils mirs per mirar tgei che schabegia cun quels enteifer in onn. Plirs apparats registreschan regularmeins la temperatura e humiditad.

Casa pervenda Segnas

Dapi il november 2023 ei la casa pervenda Segnas buca pli habitada. Per saver nezegiar quella vinavon drova ei ina sanaziun pli gronda. Nus vein giu dumandau tut ils architects en vischnaunca schebein igl interess seigi avon maun da sededicar a quei project e survegniu duas rispostas positivas. La finamira ei da ver duas habitaziuns da mintgamai 3.5 – 4 stanzas che nus savessen affitar a parochianas e parochians per in prezzi undreivel. Aschia occupassen nus buca mo puspei la casa, mobein dessen era veta el coc dil vitg. Ina vendita dalla casa lubescha igl uestgiu buc. Perquei essan nus i alla tscherca dad organizaziuns che gidassen nus finanziarmeins. Nus essan visai vi, per saver porscher tscheins pagabels, sin agid finanziel d'ordeifer. Pil mument spitein nus il resultat da quellas damondas. Legreivlameins ha la vischnaunca da Mustér gia confirmau in sustegn.

Terren agricol a Prau

Cunquei ch'igl affitader da nosssa parcella a Prau vegn pensiunau l'entschatta 2025 essan nus sedecidi da scriver ora la parcella che nus vegnin ad affitar ad in da nos parochians interessaus naven dall'entschatta matg 2025. La parcella posseda ina buna surfatscha ed ina mesadad dil baghetg d'economia.

Sontga Gada

En connex culla nova punt pendent a Sontga Gada vein nus possibilitau ina optimaziun dalla senda che meina sper la baselgia ora. Aschia ei la vischnaunca ussa responsabla per quella.

Plinavon ei la baselgia a S. Gada aviarta mintga di naven dalla damaun entochen la sera, era igl unviern.

La nova senda sper baselgia ha carschentau considerablameins il diember da visetas ed aschia era las entradas pil sanctuari particular che ha uss survegniu puspei sia funcziun d'antruras: in sanctuari per viandonts sin viadi.

Cavardiras

A Cavardiras ei aunc adina la via tras il vitg in problem. Era cheu sespruein nus da porscher maun per migliurar la situaziun. Pil mument stat il project denton eri.

Il manteniment dalla tualetta publica ha la vischnaunca surpriu. Cunquei che nus vein mo pli paucs survetschs divins a Cavardiras ei quella tualetta pil diever da viandonts e ciclists, ils pelegrins ein deplorablameins vegni dameins. La nova situaziun lubescha aschia da ver vinavon ina tualetta per in e scadin a Cavardiras.

Gion Tenner
responsabel infrastructura

Quen dalla pervenda s. Gions per 2024

	Quen	Quen
EXPENSAS	2024	2023
Salaris pleiv Mustér	325'590.60	296'902.67
Salaris augsegners	92'550.00	85'294.60
Salaris persunal gidonter	79'126.65	77'824.52
Salaris organists e dirigents	35'039.85	32'647.30
Salaris substituziuns	5'560.00	1'140.00
Indemisaziun suprastonza	12'980.00	12'911.00
Contribuziun per ductrina	59'919.70	51'435.35
Fotocopias scola Mustér	564.45	5'934.40
Assicuranza sociala (AVS)	18'500.65	15'061.25
Segiradas d'accident e malsogna	2'635.20	2'549.85
Cassa da pensiun	11'140.60	9'659.40
Taglia alla fontauna	-	-
Indemisaziun da viadis	4'473.00	1'985.00
Scolaziun pastoral	3'100.50	460.00
Contribuziuns	24'226.25	22'590.10
Giuventetgna Cadi	13'367.40	13'367.40
Contribuziun al cussegl pastoral	4'258.85	4'382.70
Contribuziuns instituziuns culturalas	2'000.00	140.00
Diversas contribuziuns	4'600.00	4'700.00
Diversa	15'526.50	16'277.99
Occurrenz	6'645.15	4'988.05
Regals	1'114.40	4'690.35
Donaziuns	121.85	
Material ed apparaturas da biro	403.50	693.65
Indrez da fotocopiar	1'527.70	1'562.60
Rapport annual e FUS	2'010.65	173.15
Archiv	-	450.00
Telefon, internet e taxas	2'115.75	1'831.04
Francaturas, portos	1'370.95	731.00
Spesas da banca	167.50	149.90
Diversas expensas	49.05	1'008.25

	<i>Quen</i>	<i>Quen</i>
EXPENSAS	2024	2023
Immobilias / Schischom	35'558.95	87'092.85
Manteniment dallas immobilias	4'489.50	4'655.15
Taxas annualas	2'343.30	1'704.30
Energia, scaldament	7'267.50	3'943.20
Segiradas	658.65	1'690.45
Tscheins per il local Sut Gliendas	3'000.00	
Reservas ed amortisaziuns	17'500.00	75'000.00
Diversas expensas	300.00	99.75
Baselgia s. Gions	26'834.60	8'000.00
Manteniment	6'387.50	8'000.00
Taxas annualas	1'527.80	
Energia, scaldament	8'304.75	
Segirada da baghetgs	3'368.25	
Uorden per il survetsch divin	1'646.30	
Embelliment	5'600.00	
Diversas expensas	-	
Baselgia Segnas	6'394.60	958.95
Manteniment	2'230.15	179.75
Taxas annualas	529.90	609.55
Energia, scaldament	2'393.00	
Segirada da baghetgs	1'080.05	169.65
Uorden per il survetsch divin	161.50	
Baselgia Cavardiras	945.95	1'205.25
Manteniment	945.95	1'205.25
Taxas annualas		842.50
Segirada da baghetgs	543.30	121.60
Uorden per il survetsch divin		428.00
Total expensas	435'620.75	434'419.91

	<i>Quen</i>	<i>Quen</i>
ENTRADAS	2024	2023
Taglias / contribuziuns	432'911.95	436'358.25
Taglia pleiv	305'880.00	332'601.60
Baselgia catolica dil cantun Grischun	74'048.00	76'587.00
Cantun Grischun taglia alla fontauna	34'671.35	27'169.65
Agid pastoral pleivs Medel e Tujetsch	11'756.00	
Secretariat pleiv Tujetsch	6'200.00	
Diversas entradas	356.60	
Tscheins	3'815.79	2'650.23
Tscheins activs	1'845.79	700.23
Tscheins casa pervenda Cavardiras	1'380.00	1'380.00
Tscheins schischom	590.00	570.00
Total entradas	436'727.74	439'008.48
Total entradas	436'727.74	439'008.48
Total expensas	435'620.75	434'419.91
Gudogn	1'106.99	4'588.57

Bilanza dils 31 da december 2024

Activas	31-12-24	31-12-23
Total mieds finansials	475'227.69	464'962.55
Banca Raiffeisen Cadi - conto current	31'847.30	284'219.77
Banca Raiffeisen Cadi - conto da commembers	427'427.59	165'967.68
Banca Raiffeisen Cadi - assegn	200.00	200.00
UBS - conto current	12'315.25	10'655.75
GKB - conto da spargn	3'429.15	3'410.95
Sur Mathew - emprest	0.00	500.00
Taglia anticipada	8.40	8.40
Total mieds administrativs	200'005.00	200'005.00
Casa pervenda s. Gions	200'000.00	200'000.00
Casa pervenda Segnas	1.00	1.00
Casa pervenda Cavardiras	1.00	1.00
Schischom Dulezi	1.00	1.00
Schischom e clavau Acla da Fontauna	1.00	1.00
Schischom Sontget	1.00	1.00
Total activas	675'232.69	664'967.55

Passivas		
Total capital jester	5'501.75	6'343.60
Passivas transitorias	5'501.75	6'343.60
Total capital agen	669'730.94	658'623.95
Capital agen	523'623.95	519'035.38
Fondo manteniment immobilias dalla pleiv	142'000.00	135'000.00
Reserva per scolaziun	3'000.00	
Gudogn	1'106.99	4'588.57
Total passivas	675'232.69	664'967.55

Mustér, ils 12 da schaner 2025
 responsabel finanzas
 Romeo Schmed

Facultad dils fondos da baselgias e capluttas

	31-12-24	31-12-23
Baselgia parochiala s. Gion Battesta		
Ugau: Gion Tenner		
Fondo baselgia	74'013.39	38'403.08
Fondo messas fundadas	162'091.32	171'042.67
Baselgia s. Bistgaun e s. Roc, Segnas		
Ugau: Gion Tenner		
Fondo baselgia	224'910.82	221'602.37
Fondo messas fundadas	53'758.85	54'769.70
Baselgia s. Antoni, Cavardiras		
Ugadessa: Alexa Schuoler		
Fondo baselgia	234'573.77	232'037.98
Fondo messas fundadas	31'567.70	31'511.45
Baselgia s. Placi		
Ugau: Gion Tenner		
Fondo baselgia	34'519.30	35'831.00
Baselgia s. Gada		
Ugau: Gion Tenner		
Fondo baselgia	179'114.09	179'320.65
Baselgia da Nossadunna, Acletta		
Ugau: Corsin Maissen		
Fondo baselgia	43'185.52	41'520.42
Caplutta Sontgaclau e s. Silvester, Mumpé Tujetsch		
Ugau: Augustin Maissen		
Fondo caplutta	44'260.31	42'488.01
Caplutta s. Valentin e s. Brida, Mumpé Medel		
Ugau: Baseli Jacomet		
Fondo caplutta	20'205.48	20'537.63
Caplutta s. Antieni, Pardomat		
Ugau: Marcel Steger		
Fondo caplutta	16'361.99	16'430.92

	31-12-24	31-12-23
Caplutta s. Leci e s. Bonaventura, Disla		
Ugau: Max Deplazes		
Fondo caplutta	1'812.26	2'109.96
Caplutta s. Giachen e s. Onna, Cuoz		
Ugau: Adrian Deflorin		
Fondo caplutta	30'613.27	30'524.62

www.pleivdisentis.ch

Gia dapi plirs onns ei la Pleiv s. Gions era presenta egl internet. Sper ina vasta collecziun da texts historics anfleis Vus leu era igl urari dallas messas, las annunzias da mort, sco ulteriuras informaziuns davart nossa pleiv.

Rapport dils revisurs

Ella seduta dils 5 da fevrer 2025 havein nus, tenor incarica digl artechel 21 dalla constituziun dalla Pleiv s. Gions, repassau ils quens ed il menaschi financial dalla pervenda, dallas baselgias e dallas capluttas dalla Pleiv s. Gions per igl onn 2024.

Per mauns dalla radunonza generala savein nus dar il suandont rapport:

1. Las cudischaziuns ein accumpignadas dils mussaments necessaris
2. Ils saldis da cassa e contos da banca corrispundan culs attests mussai ora
3. Las vaglias cudischadas ein avon maun
4. Las expensas ein fatgas tenor conclus dalla radunonza generala sin fundament dils preventivs

Las ulteriuras expensas ein vegnidas decididas dalla suprastonza tenor las competenzas dalla constituziun

Sin basa da nossas controllas fagein nus alla radunonza generala las suandontas propostas:

- a. d'approbar la bilanza ed il quen administrativ per ils 31 da december 2024 dalla pervenda, dalla baselgia parochiala s. Gions, dallas caplanias Segnas e Cavardiras e dallas capluttas tenor las cefras presentadas,
- b. da dar scarica alla suprastonza ed als funcziunaris,
- c. d'exprimer in meritau engraziament alla suprastonza, als augsegners ed a tuttas ugadessas/tuts ugaus per lur nunstunclenteivel engaschi.

Mustér, ils 5 da fevrer 2025

*Ils revisurs:
Claudius Berther
Pirmin Monn*

Preventiv dalla pervenda s. Gions per 2025

EXPENSAS	Preventiv 2025	Quen 2024
Salaris pleiv Mustér	310'000.00	325'590.60
Salaris augsegners	93'000.00	92'550.00
Salaris persunal gidonter	80'000.00	79'126.65
Salaris organists e dirigents	35'000.00	35'039.85
Salaris substituziuns	5'000.00	5'560.00
Indemisaziun suprastonza	13'000.00	12'980.00
Contribuziun per ductrina	40'000.00	59'919.70
Fotocopias scola Mustér	1'000.00	564.45
Assicuranza sociala (AVS)	19'000.00	18'500.65
Segiradas d'accident e malsogna	3'000.00	2'635.20
Cassa da pensiun	12'000.00	11'140.60
Taglia alla fontauna	-	-
Indemisaziun da viadis	4'000.00	4'473.00
Scolaziun pastorala	5'000.00	3'100.50
Contribuziuns	25'500.00	24'226.25
Giuventetgna Cadi	13'500.00	13'367.40
Contribuziun al cussegl pastoral	4'000.00	4'258.85
Contribuziuns instituziuns culturalas	3'000.00	2'000.00
Diversas contribuziuns	5'000.00	4'600.00
Diversa	19'500.00	15'526.50
Occurrenzias	7'000.00	6'645.15
Regals	2'000.00	1'114.40
Donaziuns	1'000.00	121.85
Material ed apparaturas da biro	1'000.00	403.50
Indrez da fotocopiar	1'500.00	1'527.70
Rapport annual e FUS	2'000.00	2'010.65
Archiv	500.00	-

	Preventiv	Quen
Telefon, internet e taxas	2'000.00	2'115.75
Francaturas, portos	1'500.00	1'370.95
Spesas da banca	500.00	167.50
Diversas expensas	500.00	49.05
Immobiliias / schischom	21'300.00	35'558.95
Manteniment dallas immobiliias	5'000.00	4'489.50
Taxas annualas	2'500.00	2'343.30
Energia, scaldament	7'500.00	7'267.50
Segiradas	1'000.00	658.65
Tscheins per il local Sut Gliendas	3'000.00	3'000.00
Reservas ed amortisaziuns	2'000.00	17'500.00
Diversas expensas	300.00	300.00
Baselgia s. Gions	30'700.00	26'834.60
Manteniment	7'000.00	6'387.50
Taxas annualas	2'200.00	1'527.80
Energia, scaldament	10'500.00	8'304.75
Segirada da baghetgs	3'500.00	3'368.25
Uorden per il survetsch divin	2'000.00	1'646.30
Embelliment	5'000.00	5'600.00
Diversas expensas	500.00	-
Baselgia Segnas	7'500.00	6'394.60
Manteniment	3'000.00	2'230.15
Taxas annualas	1'000.00	529.90
Energia, scaldament	2'500.00	2'393.00
Segirada da baghetgs	1'000.00	1'080.05
Uorden per il survetsch divin		161.50

	Preventiv	Quen
Diversas expenas		
Baselgia Cavardiras	3'800.00	1'489.25
Manteniment	2'000.00	945.95
Taxas annualas	1'300.00	
Energia, scaldament		
Segirada da baghetgs	500.00	543.30
Uorden per il survetsch divin		
Diversas expensas		
TOTAL EXPENSAS	418'300.00	435'620.75
ENTRADAS	2025	2024
Taglias / contribuziuns	416'000.00	432'911.95
Taglia pleiv	300'000.00	305'880.00
Baselgia catolica dil cantun Grischun	75'000.00	74'048.00
Cantun Grischun taglia alla fontauna	30'000.00	34'671.35
Agid pastoral pleivs Medel e Tujetsch	5'000.00	11'756.00
Secretariat pleiv Tujetsch	6'000.00	6'200.00
Diversas entradas		356.60
Tscheins	3'480.00	3'815.79
Tscheins activs	1'500.00	1'845.79
Tscheins casa pervenda Cavardiras	1'380.00	1'380.00
Tscheins schischom	600.00	590.00
Total entradas	419'480.00	436'727.74
Total expensas	418'300.00	435'620.75
Gudogn	1'180.00	1'106.99

Fixaziun dil pei da taglia per 2026

La suprastanza dalla Pleiv s. Gions ed ils revisurs da quen proponan alla radunanza generala dalla Pleiv s. Gions/Mustér da fixar il pei da taglia sco suonda:

Per igl onn 2026 duei il pei da taglia restar sco per 2025 sin 12% digl import dalla taglia sempla dil cantun.

Il Cussegl pastoral enquera adina puspei personas ch'ein promtas da segidar e s'engaschar per nossa pleiv. Interessentas ed interessents san s'annunziar tier il secretariat da nossa pleiv. Nus selegrein da mintga maun che segida cun nus.

Officials dalla Pleiv s. Gions

1.	Suprastonza	
	Tuor Aldo, president	representanza, persunal
	sur Kurian Mathew	plevon (ex off.)
	Tenner Gion	infrastructura
	Schmed Romeo	finanzas
	Schuoler Alexa	fatgs socials
2.	Revisurs da quen	
	Berther Claudius	
	Monn Pirmin	
3.	Ugaus-baselgia e caplutta	
	Sogn Gion Battesta, baselgia parochiala Vitg	Tenner Gion
	Sogn Bistgaun e sogn Roc, Segnas	Tenner Gion
	Sogn Antoni, Cavardiras	Schuoler Alexa
	Sogn Placi	Tenner Gion
	Sontga Gada	Tenner Gion
	Sontga Maria Immaculata, Acletta	Maissen Corsin
	Sogn Clau e sogn Silvester, Mumpé Tujetsch	Maissen Augustin
	Sogn Valentin e sontga Brida, Mumpé Medel	Jacomet Baseli
	Sogn Antieni e sogn Gottard, Pardomat	Steger Marcel
	Sogn Gliezi e sogn Bonaventura, Disla	Deplazes Max
	Sogn Giachen e sontg'Onna, Cuoz	Deflorin Adrian
	Sogn Sigisbert, Madernal	Claustra Mustér
	Sontga Catrina	famiglia Condrau (privat)
4.	Commembers dil cussegl pastoral	
	sur Kurian Mathew (ex off.)	
	Bisquolm Nanetta	
	Bisquolm Valentin	
	Buschor Josef	
	Cajacob Laurenzia	
	Flury Riccarda	
	Keller-Tschuor Andrea	
	Schmed Letizia	
	Schuoler Alexa	
5.	Secretariat	
	Lombris Jris	

P.P.

7180 Disentis/Mustér
Post CH AG